



COMUNU DE SÀRDARA

Provìntzia del su Campidanu de Mesu

Pratza Gramsci, 1 – C.A.P. 09030 - Tel.070/934501 – P.I. 00570460923

www.comune.sardara.vs.it

Copia

DELIBERATZIONI DE CONSILLU COMUNALI

Nu 17 del 27/02/2013

S'annu 2013 su 27 de su mesi de Friaxu a is 6:30 de a merii in sa sea de is adunàntzias.

De chi si funt sighidas is normas in vigèntzia s'est curvocau su Consillu Comunali.

Arresurtant chi nci funt:

Sangunau e Nòmini	In calidadi de	Presentis
GARAU GIUSEPPE	Sìndigu	Eja
MELIS ERCOLE	Visu Sìndigu	Eja
ATZORI RENAT	Consilleri	Eja
CADDEO ANDREA	Consilleri	AG
IBBA SIMONA	Consilleri	Eja
PINNA VALENTINA	Consilleri	Eja
PISU RAIMONDO	Consilleri	Eja
ATZORI ROBERTA	Consilleri	AG

BRUGNONE DAVIDE	Consilleri	Eja
CASULA SAMUELE	Consilleri	Eja
IBBA ROBERTO	Consilleri	Eja
PISU GIAMPAOLO	Consilleri	Eja
ZUCCA GIORGIO	Consilleri	Eja
CADDEO ROBERTO	Consilleri	Eja
MAMELI ANTONIO	Consilleri	Eja
PUTZU FABIO	Consilleri	Eja
ZUCCA PAOLO	Consilleri	Eja

Presentis: 15

Pigat parti a s'atòbiu su Segretàriu Comuanali sa Dotora URRAZZA Giovanna.

Su Sindigu Garau Giuseppe pigat sa presidèntzia e deccarat aberta s'arrexonada apitzus de s'ogetu. Tzèrriat a sa funtzioni is scrutadoris consillaris:

IBBA ROBERTO

PUTZU FABIO

Omissis... Càstia sa registratzioni trascritzioni - Art. 43 Regulamentu po su funtzionamentu de su consillu comunali.

CHISTIONI: liada de atu de s' istitutzioni Zona Franca in su Portu de CASTEDDU e ARISTANIS – Istitutzioni de sa Zona Franca in su territòriu de su Comunu de SÀRDARA – aprovu initziativas po s'istitutzioni de sa zona franca in su territòriu de Sardigna.

Premìtiu ca sa crisi grai meda chi at tocau totu is setoris chi produsint e is servìtzius de sa Sardigna imponit de pigai cun apretu provedimentus fortis po promovi unu crescimentu econòmicu beru o assumancu apoderai in cunditziunis de economicidadi is fainas chi ancora nci funt cun ainas chi portint a torrai a echilibrai is cunsequènzias negativas acapiadas a s'insularidadi, a abasciai is costus de tragus e energia, po disciniri cunditziunis de fiscalidadi chi dexant a sa Sardigna, a ndi liai e arredusi càrrigus e impostas chi strobant sa produtzioni de is intrapresas econòmicas;

Tentu contu ca s'istitutzioni de sa Zona Franca in su territòriu comunali de Sardigna est un'aina essentzialis e chi no fait a ndi fai de mancu po calisiat politiga de sviluppu capassa de creai is cunditionis po favoressi e apoderai sa produtzioni industriali-artisanali e de sa messarìzia, su cumèrciu e esportazioni de mercis, fadendi de manera de fai arribai capitalis nous, tennologias e cumpetènzias imprenditorialis nobas, aici cumenti sutzedid aintru de sa Comunità Europea po is regionis de làcana e a densidadi demogràfica bàscia;

Biu su Tratau de Roma de su 25 de martzu de su 1957, chi istituit sa Comunità Econòmica Europea, innoi in s'art. 207 (ex 234) est garantiu s'arrespetu de is acòrdius e òbligus chi ndi benint de cuncordadas innantis de su 1° de gennàrgiu de su 1958;

Bida sa Lei Costituzionali nu. 3/1948 chi at pregonau su Statutu Spetziali po sa Regioni Sardigna innoi s'art. 12 prevedidit s'istitutzioni de is Puntus Francus in s'isula;

Bida sa lei Regionali nu. 22 de su 7 de maju de su 1953 chi in s'art. 2 at prevediu su finantziamentu de fainas industrialis e cumercialis in is Puntus Francus de Sardigna;

Biu su DPR 1133/69 chi cuntenit disponimentus de atuatzioni de is diretivas comunidàrias asuba de sa cuncordadura de sa chistioni de is Zonas Francas;

Biu su DPR 43/73 (TULD chi at arriciu integrendi-ddu su DPR 1133/69) chi in s'art. 2 at agualau su territòriu innoi s'agatat su comunu de Livigno a is territòrius extradoganalis de is Zonas Francas e de is puntus francus;

Biu su Còdixi Doganali Comunidàriu (CDC) istituii cun Reg. CEE n. 2913 de su 12 de ladàmini de su 1992 chi at assegurau is regimis fiscalis spetzialis chi ballint in su territòriu de sa Valle D'Aosta e in su de Gorizia, decrarau ambaduu Zona Franca de pari a pari de s'art. 14 de sa Lei costituzionali n. 4/48 e de s'art. 1 de sa lei 1438/48;

Biu su Dlgs 75/1998 chi, in atuatzioni de s'art. 12 de sa Lei Costituzionali nu. 3/1948 e cunfroma a su chi narat su Còdixi Doganali Comunidàriu (CDC) n. 2913/92 e de is Disponimentus de atuatzioni pregonaus cun **Reg.CEE n. 2454/1993**, at istituii is Zonas Francas in is portus de Casteddu, Terranoa, Aristanis, Portoscusu e Arbatassa;

Biu s'art. 4 corriedda 3 lit. e) e corriedda 5 de sa Lei 59/97, chi fissat su printzìpiu de s'unitzidadi de s'atzioni amministrativa, e de su printzìpiu de sussidiariedadi;

Tentu contu ca cunfroma a **s'art. 4 de su Decretu Legislativo nu. 267/2000**, sa Regioni Sardigna no at adotau, de s'emanazioni de su D.lgs 75/98, sa lei chi individuau is funtzionis trasladadas e delegadas a is entis localis e de cussas apoderadas de sa Regioni etotu;

Tentu contu ca, cunfroma a **s'art. 7 de su Decretu Legislativo n. 267/2000** custu Comunu depit pregonai is regulamentus po s'organizazioni e su funtzionamentu de sa Zona Franca;

Tentu contu ca sa **Corti Costituzionali, cun sentèntzia nu. 313 depositada su 27 de Làmpadas de su 2001**, at pretzisau ca "*non spetta allo Stato modificare, integrare o dare esecuzione alle norme di attuazione delle leggi istitutive delle Regioni a Statuto Speciale*" e ca sa "*competenza programmatica dello Stato non può mai giungere a compromettere o limitare l'autonomia*

regionale", po custu si biant fintzas is sentèntzias de sa Corti Costitutzionali nu 4/64, n. 20/70 nu 150/82, nu 40/83;

Bida sa lei **623\1949** chi at individuau is prodùsius chi funt permissus po s'imissioni in consumu in esenzioni fiscali e po su fabisòngiu de su logu, po su chi spetat a su territòriu de sa Valle D'Aosta, cunsiderada Zona Franca in s'art. 2 de su dpr 43/73, profetus chi a manera automàtica iant a essi dèpius alladius fintzas a is àterus territòrius italianus identifiaus cumente Zona Franca;

Tentu contu de sa **decrarada de Laeken sutascrita de s'Italia su 15 de friàrgiu 2001**, chi demandat a is Regionis s'atuatzioni de sa Politiga Comunidària de is stadus membrus. Is Regionis esèrtzitant po mèdiu de is Comunas cunfroma a sa lei 142/90 (art. 3) e cunfroma a su printzìpiu de sussidiariedadi apostivigau de sa "Costituzioni Europea" noba;

Cunsiderau ca ancora oi nci funt is problemàticas chi iant determinau is Zonas Francas in Sardigna, e chi custas (Zonas Francas) depint essi cunsideradas s'ùnica discrìmini positiva po amellorai is cunditionis econòmicas de un'isula ultralacnanti e a densidadi demogràfica scassa carriada de is subra costus de tragu e a arriscu de coesioni sotziali po is problemas acapiaus a su disimpreu mannu.

SU PRESIDENI lassat su fueddu a su Consilleri Giampaolo PISU chi illustra e torrat a nai ca su problema est sentiu meda de su Comitau Istitutivu de sa Zona Franca e trasversalmente de totu is fortzas politigas;

ASCURTAU s'interbentu de su Consilleri chi sustenit sa proposta in ogetu;

SI PROTZEDIT a votazioni;

PRESENTIS Nu 15/17;

A TOTÒMINI

DELÌBERAT

Sa premissa est parti integranti de su deliberau e innoi ratificada po totu is efetus de lei;

- de pigai atu ca cunfroma a su Dlgs 75/1998, est stètia istituida sa Zona Franca in su portu de Casteddu e Aristanis;
- De decrarai s'istitutzioni de sa Zona Franca in su territòriu de su Comunu de Sàrdara cumente territòriu collegau o chi podit essi collegau peri sa terra a sa Zona Franca de su Portu de Casteddu e Aristanis;

- De stabiliri ca sa marcadura de sa Zona Franca de su Comunu de Sàrdara est constituida de is làcanas de su territòriu de su Comunu etotu;
- de impinniai su Sìndigu e sa Giunta a fai, su prus a lestru chi fait, totu is atus politicus e amministrativus chi serbint po chi sa Regioni Sardigna providat cun apretu a sa marcadura territoriali e a s'emanatzioni de is normas de operatividadi de is Zonas Francas Fiscalis, aici cumentu narat su Decretu Legislativu 10 matzu de su 1998 nu. 75 e cunfroma a is normas de deretu internatzionali;
- De donai mandau a su Sìndigu e a sa Giunta de ponni in motu totu is iniziativas politicis e amministrativas possìbilis po persighiri s'obietivu de lompi a s'istituzioni de sa Zona Franca Fiscalis in totu sa Sardigna amesturendi-nci totu is Entis e is Istituzionis interessadas.

SI PROTZEDIT a votatzioni po balli luegus;

PRESENTIS Nu 15;

A TOTÒMINI

.

- De decrarai ca custa delibera est esecutiva luegus etotu cunfroma a sa lei.

De trasmiti custa delibera a is entis chi sighint:

- Commissione Europea
- Presidenza della Regione Autonoma della Sardegna
- Presidenza del Consiglio Regionale
- Assessorato Regionale alla Programmazione
- Provincia del Medio Campidano
- Provincia di Cagliari
- Agenzia delle Dogane Ufficio di Cagliari